



中國大事記



民國六年十月二十一日

●吉林軍隊挽留督軍之風潮……吉林督軍孟恩遠。經中央調京任為誠威將軍。命令發表後。吉省軍界共謀挽留。首由扶農鎮守使高士儻吉長鎮守使裴其勳等。假孟恩遠名義。向中央質問免職理由。要求於三日內答覆。當經中央發電申斥。高等遂運兵至長春。向中央宣告獨立。嗣由孟恩遠竭力鎮壓。立令取消。電向中央謝罪。並由湖北督軍王占元。聯合各省長官。電懇中央仍留孟督暫時鎮懾。中央派何宗蓮赴吉調查曉諭。聞已允孟暫留。高士儻裴其勳等。亦已向中央謝罪。自請處分。

●湘南戰況……自劉建藩林修梅等在零陵獨立後。復有周偉宋鶴庚等。據寶慶宣布獨立。旋由北軍十七師三十四旅旅長朱澤黃。率軍進攻。於本日將寶慶攻克。衡永方面戰事。亦甚劇烈。衡山縣亦為北軍所得。粵桂等省自主政府。擬派兵援湘。

同 二十二日

●裁撤洮遼鎮守使員缺

35327

●廣東惠州對省獨立之失敗……粵屬惠州清鄉總辦張天驥因被省政府免職。改任劉志陸為總辦。於本月十二日。對廣東省宣告獨立。當由省中派劉志陸率兵進攻。惠州幫辦洪兆麟統領羅兆昌幫統劉遂慶等。與省軍聯合攻張。張天驥遂於本日棄惠州而去。

同 二十三日

●改編安武軍為陸軍四混成旅……安徽督軍倪嗣冲擬將安武軍改編四混成旅。咨請陸軍部查核。經部呈請照准。擬定各旅號數。為第十七第十八第十九第二十等混成旅。

●改編湖北省防兩團為陸軍第二十一混成旅

●廣東潮州對省宣告獨立……廣東潮梅鎮守使莫肇宇。本日向省政府宣告獨立。與督軍陳炳焜自主政府脫離關係。獨立期內。軍政直隸中央。民政仍商承李省長辦理。並聞欽廉道馮相榮及鎮守便隆世儲。亦已與潮州聯合。對省獨立。惠州清鄉總辦張天驥。自惠州舉事失敗後。亦奔至潮州。與莫肇宇聯合。謀攻

35328

惠州。

同 二十四日

●改直隸各路防營爲守備隊左右兩翼爲第四第五混成旅

●日在青島新設民政署之交涉……日本政府近擬在山東青島新設民政署。聞我國外交部因其權限較從前德國擴大。至管轄租界以外之事。已向駐京日使提出抗議。尙未答覆。魯省人民。亦一致反對。要求政府力拒。

同 二十五日

●福州大火……福州城內南市於本日夜間失火。焚燒二千餘家。

同 二十六日

●外交部允協約國租用敵艦……我國與德奧宣戰後。所有德奧在華船隻。均經我國沒收。會由張謇等。糾商組織大達公司。向政府承租此項船隻。當經政府准許。現在英國政府。擬向大達公司轉租。爲協約國服役。迭由駐京英使代表協約各使向我國外部要求承認。聞外交部業已允許。將敵船亞爾班加號、台克號、里克末斯號、波希米亞號、亞里西亞號、支那號、加士號、希里恩號、特拉愛芬號、山克斯太號等十艘。租與協約國。由大達公司與駐滬英領事商訂合同。其租價照協約國租船通用率。大船每噸四十四先令以上。小船每噸五十先令。

●川軍攻克威遠內江榮縣各縣……川滇兩軍自日前重開戰釁後。內江威遠各縣。均爲滇軍所佔。近日劉存厚鍾體道等所率川軍。

與黃毓成所率滇軍。劇烈戰鬥。滇軍敗退。內江威遠榮縣各縣。先後爲川軍攻克。

●全國教育聯合會閉會

同 二十七日

●交通部租車購車舞弊案判決……交通部直轄津浦鐵路管理局局長王家儉等。五月間因租車購車有舞弊情事。由國務院查明呈准大總統將案內人犯交法庭辦理。經京師地方審判廳歷次審問。於本日判決。將被告人所犯之罪。宣布如下。王家儉租車欺詐取財之所爲。處三等有期徒刑三年。購車欺詐取財之所爲。處三等有期徒刑三年。共執行徒刑三年四個月。褫奪公權全部終身。盛文頤租車欺詐取財之所爲。處三等有期徒刑三年。購車欺詐取財之所爲。處三等有期徒刑三年。行求賄賂之所爲。處五等有期徒刑八個月。共執行徒刑三年六個月。並褫奪公權全部終身。童益臨購車欺詐取財之所爲。處四等有期徒刑一年八個月。行求賄賂之所爲。處五等有期徒刑八個月。共執行徒刑二年。並褫奪公權全部終身。王家儉盛文頤童益臨偽造署押之部分無罪。鮑宗漢無罪。

同 二十八日

●政府與日本商議軍械借款及鳳凰山礦約……近日中外報紙。喧傳政府將與日本訂立軍械借款。有由日本統一我國軍械。將各省兵工廠煤鐵礦歸日本管理之風說。聞者莫不疑駭。江蘇督

軍李純。於本日電請政府聲明。略謂近日中外報紙。頗傳某國第五項條件完全成立。因認爲我國存亡關係。遂誣政府賣國。相傳不一。若不及早解釋。愈傳愈訛。更無從辨晰。政府有無此事。何妨明白宣示中外。以安人心。又聞江南鳳凰山鐵礦。亦在其內。此則純守土之責。尤不容不問者。特請政府明令。以解羣疑而息衆謗。江西督軍陳光遠亦有電致政府云。軍械借款成立。即係某國第五號條款復活。議論紛紛。幾疑政府只圖一時金融活動。不顧陷於萬劫不復之境域。且查該項條款。與贛省鐵路權極有關係。遠身任疆圉。亦豈能默然而息。政府有無此事。伏請明白宣告。以息羣言。其餘鄂皖等省督軍。亦均有電向中央質問。旋由國務院電覆李督軍云。報紙事實。全係子虛。其所傳五項條件完全成立一說。不意執事亦深信之。查五月七日一案。前因被追太甚。祺瑞在陸軍總長任內。認爲存亡所關。爭以去就。五號條件。隨即撤回。此案已作結束。豈有自生荆棘。忽背初心之理。完全成立之事。何自而來。鳳凰山鐵礦。乃是前袁大總統任內華寧公司與大倉組所訂之買賣礦砂合同。在五年春間。大倉組有先付與華寧一百萬之事。自去年六月以後。以華寧公司未經部准。由國務會議議決。呈奉指令。將該公司礦權取銷。並撤去督辦。大倉借與華寧之款。擬由政府交還。即將舊合同作廢。大倉未允。一年以來。日公使屢以履行合同爲言。政府始終堅持。此次內閣成立之後。日

公使又復提議。現正在切實磋商。總期妥籌辦法。力顧主權。此案另爲一事。本不在五號之內。不能相提並論也。至對德奧宣戰以後。擬派兵赴歐助戰。自製軍械。不敷應用。勢不得不購自他國。現在能以軍械出售於我國者。在西惟美。在東惟日。與美迭商。久無成議。先其所急。始就近向日本購置軍械一批。以款若干。購械若干。款未交清以前。量加利息。所訂合同。亦僅限於一次而止。純是自由購置。毫不發生拘束。中國歷來購買德法諸國軍械。皆係如此辦法。具有成案可稽。與五年中所列軍械問題。決無牽涉云云。

同 二十九日

●令褫廣東督軍陳炳焜職……令曰。廣東督軍陳炳焜。前經通電昌言自主。

陳炳焜着卽行褫職。聽候查

辦。此令。同日。特任省長李耀漢兼署督軍。任命莫肇宇會辦軍務。並免廣惠鎮守使莫榮新職。任命李福林爲廣惠鎮守使。

同 三十日

●令參議院定於十一月十日舉行開會式

●令財政部妥訂普通稅則……令曰。東西各國關稅。均有國定稅率。除以條約協定之國。仍從協定稅率徵收進口貨稅外。其餘各商貨。概依國定稅率辦理。立法至爲完善。我國自海通以後。商貨逐漸發達。晚近來華貿易者。不僅有約各國之商民。

35330 應由財政部妥訂普通稅則。頒行各海關。以資遵守而重稅政。此令。

●公布捕獲審檢廳條例……條例見法令門。

●公布海上捕獲條例……條例見法令門。

●京師高等審判廳判決財政部賄案……免職財政總長陳錦濤及停職參事虞熙正司長吳乃琛等。因鍊銅廠受賄行賄案及大清銀行分紅案。曾經京師地方審判廳判決。陳錦濤虞熙正各處三年二個月之三等有期徒刑。陳廷銘處一年半之四等有期徒刑。吳乃琛賈士毅處三年之三等有期徒刑。陳等不服判決。向高等審判廳上訴。現在復經高等廳審判。將原判關於張興漢虞熙正陳廷銘陳錦濤吳乃琛罪刑各部分均撤銷。張興漢交付賄賂之所為。處罰金三百元。虞熙正交付賄賂之所為。處四等有期徒刑一年六月。褫奪為官員之資格五年。陳廷銘交付賄賂之所為。處四等有期徒刑一年六月。褫奪為官員之資格五年。陳錦濤期約賄賂之所為。處三等有期徒刑三年。褫奪為官員之資格終身。虞熙正陳廷銘陳錦濤之未決期內羈押日數。均准以二日抵徒刑一日。吳乃琛無罪。賈士毅到案後另行審判。聞陳錦濤仍不服判決。更擬在大理院上訴。

●奉吉中日交涉解決……奉天輯安錦縣及吉林琿春縣。八九月間。各有中日交涉案發生。迭經我國外交部與駐京日使交涉。均已解決。輯安琿春兩處增派日兵。已各撤退。錦縣被害日人。

亦由我國撫卹了事。

同 三十一日

●令褫奪顧品珍趙又新黃毓成等官職……令曰。前據周道剛電呈黃毓成率其所部。在內江永福寺白馬店等處。猛向川軍攻擊。佔據內江等情。當經令飭唐繼堯電令黃毓成等退出川境。頃據周道剛電稱。十九日恭奉明令。即電達唐繼堯。並分電黃毓成顧品珍趙又新等。遵令退出。乃黃毓成顧品珍趙又新等。並不退兵。於瀘縣富順自流井等處。厚集兵力。設施攻守工事。並於內江榮縣威遠等處。連向川軍攻擊不已。且有擅提鹽款稅款易置官吏搶掠地方各等情。一年以來。顧品珍趙又新黃毓成等。擁兵構釁。蹂躪蜀中。久苦川民。屢戒不悛。貪暴悖亂。至今已極。儻再容忍姑息。何以對國家與全蜀人民。著周道剛督飭所部。即日分路進討。以紆川禍而衛國家。顧品珍趙又新黃毓成等。著將從前所得榮典及現任官職。一律褫奪。並通飭嚴緝。務獲究懲。其軍隊有實被迫脅自拔來歸者。妥為安撫。不究前罪。並轉令前敵將領。一體遵照。此令。

●令定期舉行司法官考試……司法總長林長民呈請定期舉行司法官考試。奉令著於七年一月十五日。舉行甄錄試。二月一日。舉行初試。

十一月 三日

●四川懋功縣匪首若巴正法……四川懋功匪首若巴。妄造妖言。

煽惑衆人。據城戕官。僭稱皇帝。蹂躪地方。殺人甚衆。前經川省軍隊勦滅。將匪首僞皇帝若巴僞元帥傅南山等捕獲。經該省呈准中央於本日在川省正法。

同 五日

●改編湖北第六混成旅混成第二團爲陸軍第十八師

●張鎮芳雷鎮春馮德麟等罪案判決……張鎮芳雷鎮春馮德麟等。

前因贊助復辟被捕。奉大總統令交法庭嚴懲。張鎮芳歸大理院審判。雷鎮春馮德麟因係軍人。由陸軍部組織高等軍法審判機關

審判。現在均經判決。張鎮芳雷鎮春各以叛亂罪判處無期徒刑。馮德麟認爲無罪。又三人各有吸食鴉片煙情事。均另處罰金。

●綏遠盧占魁復叛……綏遠匪首盧占魁。前在包頭薩拉齊一帶。擁衆肆擾。近始就撫。現又率衆復叛。自稱西北靖國軍。進窺包頭榆林等處。

同 六日

●駐京美日兩公使以兩國對華宣言照會外交部……日本政府。前派子爵石井菊次郎爲特命全權大使。赴美京華盛頓。與美國政府協商關於中華民國問題。經迭次會談。漸就妥協。於本月二日在美京交換公文。其原文如左。

美國國務卿致石井特命全權大使公文

35331
茲謹奉書閣下。敬陳者。貴我兩國政府。關於中華民國。均感有利害之諸問題。本官近與閣下。曾經會談。意見既經一致。

且均明白了解。故茲得有通報閣下之光榮。閣下及本官。均以欲一掃近來往往流布有害之風說起見。當將兩國政府關於中國之所懷抱之所希望。及其意嚮。再行公然宣言。方爲得策。合衆國及日本國政府。均承認凡領土相接近之國家間有特殊之關係。故合衆國承認日本國於中國有特殊之利益。而於日本所屬接壤地方。尤爲其然。中國之領土主權。當然完全存在。合衆國政府。以日本國其於地理的位置之結果。有如右之特殊利益。日本並無不利他國之通商與偏頗之待遇。及蔑視條約上中國從來許與他國商業上權利之意。蓋日本國政府累次之保障。全然可以信賴也。合衆國及日本國政府。聲明毫無侵害中國之獨立及侵害保全領土之目的。且聲明兩國政府。常于中國維持所謂開放門戶及對商工業機會均等之主義。又凡特種之權利。又特關侵害中國之獨立。及領土之保全。或有妨礙列國臣民或人民商業上及工業上完全享有均等之機會者。兩國政府。不問何國政府。有是均得反對。互相聲明。本官以貴我雙方意見。既已一致。明白了解。故對前記各項希望閣下之確認。茲特謹向閣下表其敬意。敬具。

一千九百十七年十一月二日華盛頓國務院羅波德蘭辛

石井特命全權大使覆美國國務卿公文

茲謹奉覆閣下。敬陳者。關於中華民國。貴我兩國政府。共感有利害之諸問題。閣下近與本使會談。意見既經一致。且均明

35332 白了解。本日承以華翰通報。拜悉一是。茲遵本國政府之訓令。奉覆閣下。左記一切。均得了解確認。此誠本使之欣幸。(以下本文與美國國務卿之公文同從略) 本使茲向閣下謹表敬意。敬具。

一千九百十七年十一月二日在華盛頓日本帝國大使館特派特命全權大使子爵石井菊次郎

本日。駐京日本公使林權助。照會我國外交部。略謂美國正式承認日本在中國之特別地位。因中日二國土地接近之故。尤以彼領土毗連之部分為特甚。惟中國之領土完全與政治獨立。仍不傷損。美國政府。深信日本屢次之保證。對於他國在華商業。不加歧待。美日二國重復聲明格遵門戶開放主義。反對任何國政府取得影響中國獨立之特別權利云云。照會外並附錄交換公文原文。駐京美國公使芮恩施。亦將交換公文錄副送達外交部。並附照會。略云。日本使團之蒞美。發生討論美日兩國在遠東利益之機會。日本代表公然宣言。日本之政策。非是一種侵略政策。並言日本並無於商業上或間接時利用其地理位置所造成之特別關係。然則為德人所散布之外交疑雲。業經掃除。美日兩國政府重復聲明。彼此格遵門戶開放政策。重復拘束兩國政府。維持機會均等主義。任何國之臣民公民。於在華之商業。一律完全享受之。日本在中國之商工業。曾因彼兩國地理關係之故。顯然對於任何他國之臣民公民之同一企業。占

有某種利便。今美國政府與日本政府。乘此良好機會。交換關於彼此對華關係之意見。此項了解。業經正式互換公文聲明。茲特將該公文鈔送左右。在此等公文中之陳述。無須加以解釋。其中不但重行聲明門戶開放政策。並且採用不干涉中國主權及領土完全之主義。此種主義。普通適用之。乃為永久國際和平所必要。誠如威爾遜總統所會明白宣言者也。我國政府接到照會後。即開國務會議討論。當經擬定宣言書。由外交部電令駐外各公使。通告各友邦政府。略謂近今美日兩國政府。為息止謠傳起見。將對於中國之意旨。在美京互換照會。並由駐北京日本公使。將前項照會原文。通知中國政府。中國政府。為免除誤會起見。自應及時聲明。以表示中國政府之意旨如下。

中國政府。對於各友邦。向持公平平等主義。故於各友邦基於條約所得之利益。無不一律尊重。即因領土接壤。發生國家間特殊關係。亦專以中國條約所已規定者為限。並再聲明。嗣後中國政府。仍保持向來之主義。中國政府。不因他國文書互認。有所拘束。

同 七日

●閩軍赴潮助戰……廣東潮梅鎮守使莫肇宇對省宣告獨立後。省中即派兵往攻。潮州兵力單薄。福建督軍李厚基。特派汀漳鎮守使第十四混成旅旅長臧致平率師援潮。現已與粵軍開戰。

同日

●特任陸榮廷爲寧威上將軍並令迅速來京任職

●特派龍濟光爲兩廣巡閱使……龍氏奉令後。電請收回成命。

仍令陸榮廷照舊供職。政府未允。

●財政部派員赴日視察財務行政……財政部派員十人。組織特派赴日財務行政視察團。赴日本大藏省及該省所屬機關。視察各項財務行政。定本日起程赴日。視察時期。以三個月爲限。

同日

●令撥銀二萬圓撫卹川省兵災……令曰。周道剛呈據自流井貢井商會及全廠商民電稱。滇軍顧品珍。於本月一日全軍敗逃之先。即將各街柵巷口。派隊堵守。商店民居。逐戶劫掠。分途放火。不准撲救。全廠精華之處。皆成焦土。且有裸搜婦女。姦淫殘殺情事。因之死於兵死於火死於羞憤自盡者甚衆。又在鄧井關沿途。劫鹽百餘載赴瀘。除撥款急賑外。籲懇中央俯念兩廠商民。慘遭兵燹。速撥鉅款賑濟等語。披覽之餘。實深憫惻。著財政部迅即撥銀二萬圓。交周道剛妥爲撫卹。婦女死義者。查明呈請褒揚。其自貢兩廠鹽竈。關係緊要。應由該督會同省長張瀾。妥速籌畫。令其復業。並將詳情具報。此令。

●湖南水警廳長陳璣章被刺……湖南全省水上警察廳廳長陳璣章。本日爲僕人刺斃。凶手旋即捕獲正法。

●湖南寧鄉縣匪亂……湖南寧鄉縣。本日突有匪徒數百人。自

稱獨立軍。蜂擁入城。先佔縣署。劫獄縱囚。四出劫掠。翌日

散。

同日

●臨時參議院開會……臨時參議院。於本日舉行開會式。大總統及國務院均蒞會。由大總統國務總理致頌詞。十四日投票互選議長。選定王揖唐爲議長。邢彥圖爲副議長。

●皖軍援湘攻克攸縣……湘省戰事劇烈。安徽督軍倪嗣沖。特派李傳業爲司令。率軍援湘。與湘省獨立軍激戰。於本日攻克攸縣。

同日

●川黔軍隊在綦江開戰……四川查辦使吳光新。前率軍至重慶。查辦川事。本日。駐綦江之貴州軍隊。與吳光新所部軍隊。大起衝突。互相攻擊。

同日

●特任周道剛爲四川督軍任命劉存厚會辦四川軍務

●公布地方捕獲審檢廳設置令……令見法令門。

●公布修正省官制第十四條……見法令門。

●設置高等及地方捕獲審檢廳……任命董康莊璣珂兼充廳長。

同日

●粵桂援湘軍隊攻佔寶慶衡山等縣……湘南各軍。自宣告自主

35333

353 34 與滇粵諸省聯合後。迭與北軍開戰。頗遭敗衄。近日粵桂援湘軍隊。陸續抵湘。與湘南各軍并力作戰。本日攻克寶慶。十六日攻克衡山。十七日攻克衡陽湘潭。

●湘南總司令王汝賢等電請停戰……陸軍第八師師長王汝賢第二十師師長范國璋。前奉政府派為湘南總副司令。往攻零陵自主軍隊。本日通電中央各省。及自主諸省。請雙方停戰。畧謂天禍中國。同室操戈。政客利用軍人。各執己見。互走極端。不惜以百萬生靈。為孤注一擲。挑南北之惡感。競權利之私圖。藉口為民。何有於民。侈言為國。適以誤國。果係愛國有心。為民造福。則犧牲個人主張。俯順輿論。尚不背共和本旨。汝賢等一介軍人。鮮識政治。天良尚在。煮豆同心。自零陵發生事變。力主和平解決。為息事寧人計。此次湘南自主。以護法為名。否認內閣。但現內閣雖非依法成立。實為事實上臨時不得已之辦法。即有不合。亦未始無磋商之餘地。在西南舉事諸公。既稱愛國。何忍甘為戎首。塗炭生靈。自應雙方停戰。懇請大總統下令。徵求南北各省意見。持平協議。組織立法機關。議決根本大法。以垂永久而免紛爭云云。

●湖南督軍傅良佐代理省長周肇祥退出省城……湖南督軍傅良佐。代理省長周肇祥。因近日戰事不利。北軍總副司令王汝賢范國璋等。復通電各省停戰。前敵軍隊。均不從命。遂於本日夜潛乘兵艦出省。退至岳州。旋即至京。當由省城各團體組織

湖南暫時維持軍民兩政辦公處。公推王汝賢為主任。擔任維持秩序。

同 十五日

●國務總理段祺瑞辭職……國務總理段祺瑞。自就任後。主張對西南用兵。本日。因接湘南各軍總司令王汝賢副司令范國璋電請停戰。恐北方軍人分裂。呈請辭職。並將辭職原因。通電各省。各國務員亦連帶辭職。經大總統再四堅留。遂於十七日照舊任事。

●津浦鐵路全路通車……津浦鐵路北段。前因被水沖毀。停止通車。現已修竣。於本日通車。

同 十七日

●馮代總統通電宣布對於國事近情之意見……馮代總統於本日通電各省(除雲南貴陽廣東南寧成都)長官云。國事瀕危。人心浮動。一隅生隙。全國動搖。茲將數日經歷情形。暨失機可惜之點。通告於左。復辟打消。共和再造。軍人實為功首。此後軍人團體。即為全國之中心點。生死存亡。有莫大之關係。此不但本國人所共知。亦外交團所共認。此次政府成立。所行政策。以改良民國根本大法為宗旨。故不急召集新國會。而為先設參議院之舉。在法律上雖微有不同。而用心實無私意存於其內。西南二三省。起而反對。無理要求。中央屢為遷就。愈就愈遠。不得已而用兵。只為達到宗旨而已。初非有武力壓迫之

野心也。兵事既起。勝負雖未大分。而川事則中央頗爲得手。滇黔在川之兵。不日可期退出川界。廣東方面。陸陳譚雖有援湘之兵。因龍李莫傾向中央。暗中牽制。以是不能大舉。斯時也。湘南戰事。我北軍將士。稍爲振奮。保持固有之勢力。中央即可達完善之結果。不意我北軍九死一生。最有名譽之健兒。誤聽人言。壯志消沮。雖係一部分之自棄。而掣動新勝。暨相持未敗之衆。於是合謀罷戰。要求長官。通電乞和。不願羞恥。雖曰其中有不得已之苦衷。而中央完全將成之計畫。盡行打消矣。諸君聞之。能不惜哉。能不痛哉。特是通電求和。主持人道。欲達宗旨。亦必能戰而後能和。假如佔住勢力。戰勝一步。宣布調停。再進一程。徵求同意。爲中央留餘地。保政府之威嚴。吾輩軍人之名譽大張。國家人民之幸福是賴。樂何如之。乃不出此。而爲搖尾乞求。縱能達到和平目的。我軍人面皮喪盡矣。國璋亦軍人一份子也。如此行爲。萬無下場餘地。不爲羞死。亦將氣死。諸君皆愛國丈夫。有何高見。如何挽救。能否賈勇救國。振奮部下士卒精神。籌兵籌餉。以謀勝利。則大錯雖已鑄成。尚可同心補救。國璋代行權位。惶愧奚如。國將不存。身將焉附。如有同心。國璋願自帶一旅之師。親身督戰。先我士卒。以雪此羞。宣布事實。渴望速復。

35335 ●陸軍第十七師師長陳復初在常德宣布獨立……湖南自督軍傅良佐代理省長周肇祥離省後。由第八師師長王汝賢。以總司令

代行職務。新編第十七師師長陳復初。因不服王汝賢指揮。本

日在常德宣布獨立。

●湘南總司令代行湖南督軍職務王汝賢等退出湘省……湘省自湘潭失守及十七師師長陳復初在常德宣告獨立後。勢甚危急。援湘各軍。均不聽總司令指揮。本日夜間。省城火起。城內秩序大亂。總司令遂退出省城。前赴岳州。省城爲湘粵桂聯軍所佔。

同 十八日

●免湖南督軍傅良佐代理省長周肇祥職令王汝賢以總司令代行督軍職務……大總統令。湖南督軍傅良佐。代理省長周肇祥。擅離職守。着先行免職。聽候查辦。此令。同日又令。據王汝賢等電稱。傅督於十四日夜。攜印乘輪。不知去向。省長亦去。省城震動。人心惶恐。汝賢等爲保護地方安全起見。會同在城文武。極力維持現在秩序。幸保安寧等語。並據自請處分前來。傅良佐周肇祥。擅離職守。本日另有明令。免職查辦。長沙地方重要。不可主持無人。即派王汝賢以總司令代行督軍職務。所有長沙地方治安。均由王汝賢督同范國璋完全負責。查王汝賢等。身任司令重寄。統馭無方。以致前敵敗退。並擅發通電。妄言議和。本屬咎有應得。姑念悔悟尚早。自請處分。心迹不無可原。此次維持長沙省城。尚能顧全大局。暫免置議。王汝賢等當深體中央棄瑕錄用之意。嚴申約束。激勵將士。將在湘

35336 逆軍。迅予驅除。以贖前愆。倘再退縮畏意。貽誤戎機。軍法具在。懷之慎之。此令。

●直鄂蘇贛四省督軍通電政府及西南各省請撤兵停戰……直隸督軍曹錕湖北督軍王占元江蘇督軍李純江西督軍陳光遠。於本日電致大總統國務總理兩廣巡閱使粵桂滇川黔督軍及重慶吳司令長沙王范兩令電云。概自政變發生。共和復活。當百政待理之際。忽起操戈同室之爭。溯厥原因。固由各方政見參差。情形隔閡。致初生齟齬。繼積猜嫌。亦由二三私利之徒。意在竊社憑城。遂乃乘機搆毀。而黨派爭樹。因得以利用之術。為挑撥之謀。逞攘奪之野心。洩報復之私忿。名為政見。實為意見。名為救國。實為禍國。於是鬩牆煮豆。一發難收。錕等數月以來。中夜徬徨。焦思達旦。竊慮覆亡無日。破卵同悲。熱血填膺。憂痛並集。蓋我國外交地位。無可諱言。歐戰將終。於禍方始。及今補救。猶恐後時。至財政困難。尤達極點。鳩酒止渴。漏卮療饑。比於自戕。奚堪終日。東北災祲。西南兵爭。人民流離。商業停滯。凡諸險狀。更僕難誌。大廈將傾。而內闔不已。亡在眉睫。而罔肯犧牲。每一思維。不寒而慄。中心憤激。無淚可揮。夫兵猶火也。不戢自焚矣。如項城覆轍可鑒。矧同種相殘。寧足為勇。鵠蚌相持。庸足為智。即使累戰克捷。已足勝笑隣邦。若復兩敗俱傷。勢且同歸於盡。今者北倚湘而湘不合倚。南圖蜀而蜀未可圖。仁人君子。忍復驅父老兄弟於冰天雪地鎗

林彈雨之中。再戰局延長一日。即多傷一日元氣。展伸一處。即多貽一處痛苦。公等誠心衛國。偉略匡時。其於利害禍福所關。固已洞若觀火。况爭點起於政治。知悲憫本有同情。錕等不才。抱寧人息事之心。存排難解紛之志。奔走涕泣。慘慘叫號。而誠信未孚。終鮮寸效。俯仰愧怍。無地自容。惟希望之殷。始終弗懈。故自政爭以來。默察真正之民意。仰體元首不忍人之心。委曲求全。千回百折。必求達於和平目的。以拯國家之危難。而固統一之宏基。區區愚忱。當邀共諒。現在時勢危迫。萬難再緩。不得不重申前說。為四百兆人民請命於公等之前。伏願念亡國之慘哀。生靈之痛苦。即日先行停戰。各守區域。毋再衝突。俾得熟商大計。迅釋糾紛。魯仲連之職。錕等願擔任之。更祈開誠布公。披示一切。既屬家人骨肉。但以國家為前提。無事不可相商。無事不能解決。若彼此之隱。未克盡宣。則和平之局。詎復可冀。公等位望。中外具瞻。輿論一時。信史萬世。是非功過。自有所歸。而旋乾轉坤。亦惟公等是賴。反手之間。利害立判。舉足之際。輕重攸分。救國救民。千鈞一髮。臨電迫切。不知所云。伏維垂教。同日並另行通電各省。願負完全排解之責。

同 十九日

●特任王士珍為陸軍總長……國務總理兼陸軍總長段祺瑞准為兼職。

●任命汲金純爲陸軍第二十八師師長……奉天督軍兼第二十八師師長張作霖准免兼職。

同 二十日

●公布修正褒揚條例……條例見法令門。

●設立僑工事務局……政府因近來華人赴外洋作工者。日益加衆。特在中央設立僑工事務局。本日任命張弧爲局長。

●運河借款合同簽字……民國二年時。蘇魯兩省曾有向美國借款疏濬運河之議。嗣經省議會反對而罷。近因京畿水災。督辦水災河工善後事宜熊希齡。代表中央政府。向美商裕中公司重提此議。其合同於本日簽字。債額爲美金六百萬元。實收九折。利率七釐。期限二十年。自第四年起。分期償還。其擔保品如下。

(一)開拓地及政府於開拓受益各官有地所收租稅。(二)其他受開濬運河影響各地之租稅。(三)運河通航稅。(四)以借款購買



或建築之產業。若充擔保之租稅不足應付時。政府允爲另籌。並指定以印花稅之一部份。充作此項用途。工事由西姆卡蘭氏運河鐵路公司承辦。與以開濬經費全額百分之十之酬勞金。中國材料。其價格如相等。有首與採用之優先權。政府將簡任監督一人。並美國總工程師及查帳員各一人。如或違背合同。即以擔保品移歸該銀行或海關管理。以維持債權人之利益。工程合計及承攬事宜。除美人外。不得移交。借款開濬運河。其地域僅限於直魯兩省。惟若推廣及於江蘇。該銀行有首先要求承辦之權。借款中二百五十萬元。開將由東京興業銀行擔任。雖合同並未聲明。惟美國裕中公司。於此將與興業銀行另訂關於材料供給等等之合同。

同 二十二日

●准國務總理段祺瑞免職……特任汪大燮暫行兼代國務總理。